



Broj: T18 0 KT 0019041 25
Brčko, 13.2.2026. godine

Optužnica potvrđena dana 18.02.2026. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem

OPTUŽNICU

Protiv:

M.S., rođen 1995. godine u Werdohlu, SR Njemačka

Što je:

1. Dana 19.11.2025. godine, oko 12.00 časova, prolazeći pored porodične kuće Z.A., koja se nalazi u ulici ..., Brčko distrikt BiH, kroz otvoreni prozor, u unutrašnjosti kuće, uočio novčanik crvene boje, koji se nalazio na komodi postavljenoj u neposrednoj blizini samog prozora, pa je koristeći Z. nepažnju, u namjeri pribavljanja protivpravne imovinske koristi, svjestan da oduzima tuđu pokretnu stvar, što je i htio, nageo se kroz prozor i s komode oduzeo navedeni novčanik, u kojem se nalazio novac u iznosu od oko 200,00 KM, dvije lične karte izdate na ime Z.A., iskaznica Raiffeisen banke na isto ime, jedna fotografija i razne posjetnice, nakon čega se trčećim korakom udaljio u pravcu Cips-a, čime je za sebe pribavio protivpravnu imovinsku korist u navedenom iznosu, a za isti iznos ošteti Z.A., vlasnicu oduzetih stvari,

dakle, tuđu pokretninu oduzeo drugome s ciljem da njenim prisvajanjem pribavi sebi protivpravnu imovinsku korist,

2. Dana 09.12.2025. godine, oko 12.00 časova, prolazeći kroz Gradski park, Brčko distrikt BiH, na klupi uočio đačke torbe, vlasništvo maloljetnih E.B. i A.H., pa je koristeći njihovu nepažnju, u namjeri pribavljanja protivpravne imovinske koristi male vrijednosti, svjestan da oduzima tuđu pokretnu stvar, što je i htio, sjeo na klupu i preturajući po torbama pronašao njihove novčanike, iz kojih je oduzeo po 30,00 KM, nakon čega se ubrzanim korakom udaljio u pravcu Gimnazije, čime je za sebe pribavio protivpravnu imovinsku korist u navedenom iznosu, a za isti iznos ošteti E.B. i A.H., vlasnice oduzetih stvari,

dakle, tuđu pokretninu male vrijednosti oduzeo drugome s ciljem da njenim prisvajanjem pribavi sebi protivpravnu imovinsku korist takve vrijednosti,

čime je pod tačkom 1. učinio krivično djelo Krađa iz člana 280 stav (1) Krivičnog zakona Brčko distrikta BiH, a pod tačkom 2. krivično djelo Krađa iz člana 280 stav (2) istog zakona, a sve u vezi sa članom 55 Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
